

مسکن شمس

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اريب

او محترم بابامزك اللرن دن اوپرم ، ارقداشم جودی افندی به سلام ایدرم .
درنده بر بچق آی ، طوبروقده اون بش کون قالدیم . شهمدی ده
دقنه دهیم . یقینه کلیم ان شاء الله . آره صره بزم غزته به یازی یازان
تونسل شیخ صالح افندی بوزاده در ، جمله کزه سلاملر ایدیور .
عسکر ارقداشلردن عبدالرشید افندی به جمله کزه سلاملر .

دقنه . ۲۲ مارت ۳۲۸

نظمی

مطبوعات

عثمانی - ایتالیان محاربه سی

مطبوعات صرنا

مطبوعات مصریه :

(الهوا) غزته سی . — « ایتالیانك شو صوك بومباردمانی اوقدر
کونج و معاسزدرکه ، جهان مدنی کولدرمه ، کنديسنه قارشو بوتون
انسانلرک اعماق قلبنده اویانان اسمتزاز و نفرت حسلری بزیید ایتمکن بشقه
برشینه یارامامشدر . »

(العلم) غزته سی . — « چناق قلعه بوغازینه قارشو وقوع بولان
ایتالیا تعرضاتی حدی تجاوز ایدوب ، عثمانیلری صوك درجه قیزدروب ،
عصیتلری تحریک ایده جک ماهیته در . بورزاللردن عموم انسانلرله ،
مسلمانلرک نفرت ایتلری محققدر . »

(المقطم) غزته سی . — « ایتالیانك حكومت عثمانیه حقنده اتخاذ
المدی اوضاع متجاوزانه قارشو اوروپا دولتلریله بالخاصه انكلتره نك سكوتی
اك صكره ایتالیایی شیارندی . ایتالیا ، شوصوك حرکتیله جذا فرصت دشمنی
اولدیفنی اثبات ایتدی . فقط عثمانیلر ایتالیانلرک بوسوك رذالتلری ده جنونه
باغیدلایه جقلری طبعیدر . »

(الجرمه) غزته سی . — « ایتالیانك جسارت مجنونانه سی دلیری بیله
کولدرمشدر . ایتالیا . امین اولسون که هر یاه جنی شیده برعدم موفقیته
تصادف ایده جک واک صكره کندی قویوسنی کندی الیه قازه جقدر . »

(الانهرام) غزته سی . — دیورکه : « ایتالیا کیتدکجه تربیه
وادی تجاوز ایدیور . ظن ایدیورکه ، بویه شارلانا نفلرله یرموقیت تأمین
ایده بیلیر . دول خسه سفراستك جواب آللرینه مساعده ایتکمیزین ایتالیا ،
چناق قلعه بومباردمانه تصدی ایتدی . بوايه صرف برنمایشدر . ایتالیا ،
ظن ایدیورکه اوروپا دولتلری بویه برزمانده دولت علیه ایتالیا خاطر بچون
صلحه اجبار ایده بیلجکدر . اوروپا حکومتلری بویه نازک برصیره ده موازنه
دولیه بی انجق محافظه ایده بیلیرلر . ایتالیا عقلی اولندن باشنه طوبلامش
اولسه یدی ، طرابلسه تجاوز ایتز و کنديسنی ده بوتون عالمه قارشو رذیل
ورسوا یلزدی . »

(فارر الکساندری) غزته سی . — اسکندریه ده منتشر بوفرانسزجه
غزته ده ایتالیانلر آتوب طومش و بوتشبات اخیر سنك نتیجه سز قاله جفی
ادله سیله ایتان ایشدر .

برخالده قوشمغه باشلایه رق اوج ساعتك برمسافه یی یکر می بش دقیقه ده
قطع ایله صف حربه قریب برمحله توقف ایتدك . سسکز بیکی
متجاوز اولان آلچق دشمن برطاقم عثمانی عسکری ایله یوزی متجاوز
عربك اوزرینه آتش ایدیور و سونکوپاقش ایلرلك ایتدیور .
خائن دشمن یکر می بش نفر عسکر یوزی بیله یرندن قالدیرمغه موفق
اوله مدینی برزمانده ایدی که قوماندان محترمز : « حاضر اول ! سونکو
طاق ! ایلری ! » امری یرمش و شانلی ، قانی سونکولر اوثانیته
دشمنك خائن ، قورقاق قلبی دلمکه باشلامشدی . دشمنك طوب ،
مترالیوز و تفکریله آجیدنی آتسه کردیکمز کوکسلر اویله برکوکسلر
ایدی که دونمک اونلر ایچون امکان خارجده ایدی .

قانی برصورتده اون اوج ساعت دوام ایدن بومحاربه ده ایتالیانلر
ایکی بیك دن فضله ضایعات ویره رك و براوقدرده تفنك وجبخانه
براقه رق قجه لر کی بربرینك اوزرینه دوشه رك قاجغه باشلادی ، بزده
کریدن سونکولر یزله ، قورشونلر یزله اونلرک صیرتلیری دللك .
ایشته مختصر آ یازدیغیم بوکونی هیچده اونوته مام . اوزریمه کاله لر ،
قورشونلر یاغمه به باشلا بجه والدم وقارداشلم خاطر مه کلدی . لکن
برآز صوکر بیکلرجه قهرمان عربانك « الله اکبر ، الله اکبر »
صدالری بکا هرشی اونوتدیور ، شهدامزك ، ملتزمك انتقامیله
تقرین سونکومی دشمنك قلبکانه صاپلامقن ، فوق رأسه زده
دالغه لانان هلال مبارکك عظمت شانی صلیبه قارشو کوستر مکدن ،
لسانلر مزدن یوکسه لن کة اللهی تاعرشه قدر اعلادن باشقه نه برشی
دوشونه بیلیر ، نه برشی کوره بیلیرم .

قولاقلم « وجاهدوا فی سبیل الله » خطاب جبروتی ایشیدیور
کییدی . نظرمدده جهانك اهمیتی قالمامشدی . آدیم اتدجه باشقه برعالمك ،
عالم شهادتک غلغله سعادت ایشیدیوردم . شامزله ، قانمزله یورودك ،
ایلروله ك . الله نصرت ویردی ؛ غالب کلدك ، مظفر اولدق . صلیبی
پارهدلق ، یرینه شانلی هلالی دیکدك ...

دشمنك قاجسی نه قدرده خوش اولیور . مسکینلر ، آلچقلر !
مدینت کتیره جکلردی . قاجه جق دلیك بوله مایورلر . اوقدر پریشان
اولدیلرکه بردها ایلرله ملری امکان خارجده قالدی .

الحمد لله جناب حق بزه نصرت ویریور . بتون حرب منطقه لرنده
صلیب هلالك تحت محاصره سنده در . ان شاء الله یقینه دشمن بوسبتون
مضمحل اوله جقدر . یالکز درنده اون بش بیکی متجاوز عربان
صوك سیستم سلاحلرله مسلحدر . هر طرف بویه . بورادم کی مجاهدین
اسلامیه ایچون اك اهمیتسز برشی وارسه اوده اولومدر . هیچ کیمسه
اولومدن قاجاز ، بالعکس اولوم بزدن قاجیور . محاربه ده برکولله
باشنده بولنان عسکری قاپاغنی اوچوردی ، ینه هیچ برشی اولمادم .
عبدالرشید افندی حضرتلرینك ، یولده ، بالخاصه عربلره
مسلمانلرغیزی اکلتمق خصوصنده بیوک معاونتلرینه مظهر اولدیغمز

روسیه نك ایتالیا به کزلیجه معاونتده بولندینی ظنی تولید ایلپور. موسیو سازانوف بوکا دائر عمومی ایضاحاتده بولمیدر. روسیه، کندی نامنك دوشونله مش و تهلكه کی بر حرکت طالعجویانه به تشریک ایدله منسی طلب ایتك حقنه بیله مالکدر.

آلمان مطبوعاتی :

(کرافتس هابترنغ) غزته سنك بیانلی . — « غزته مزه برلیندن کوندربلین بر تلغرافده دینلبورک : « ایتالیا نلرک چناق قلعه مدخلنده کی استحكاملره اجرا ایتدکلری بومباردمانك عقیم قالدینی آکلاشلیور. آلمان منافعی ایجابی تقدیرنده هر حالده نظر دقته آله جقدر. ترکیانك کندی مدافعه سی ایچون اتخاذا ایلدیکی تدابیری کری آلفه اجبار ایدیلیمیه جکی موجود احوال کوستریور. فقط باب عالینك، عین زمانده منافع ذاتیه سی طولایسیله، بومباردمان اول موجود شرائط تحتنده اوله رق چناق قلعه یی سفائن بین المله کشاد ایچون هر شیئی یاپه جنی تخمین ایدیلیمیه یلیر. ایتالیا نك روسیه ایله هم آهنگ اوله رق حرکت ایلدیکنه دائر اولان ادعایه کلنجه، بونك اصل و اساسدن عاری بولندینی تأمین ایدلمشدر .

(لوقال اوباکر) ك استخباراتی . — چناق قلعه بومبارمانك، آطه لرك اشغالاتی کیزله مك مقصدیله اجرا ایدلیمیه و بومباردمانك بردها تکرر ایلیمیه جکی مذکور غزته ده موثوق بر منبعدن استخبار ایتشدر .

(برلینر تاغبلات) . — برلینر تاغبلات دیورک : (ایتالیا نلرک فارفاره لئی (پره وزه) ایله (یونان دکرزی) حرکاتی آکدیبریور .

(فوسیتس هابترنغ) . — بو غزته ده اظهار اندیشه ایدرک اوزوبا صاحب و مسالمتك، روسیه نك مقرراتنه تابع بولندینی بیان ایلکده در .

(راخسبروست) غزته سی . — بو اصول دائره سننده اجرای حربك وطوب ایله اوینامه نك قریباً ختام بولسی قطعی اولدینی بیان ایلشدر .

هابت غزته سی . — « ایتالیا نلرک آطه لر دکرزی فیلسنك جزا بر سقیدده یکیدن اغتشاشاته سبب اولیمیه جنی امید ایدلک ایجاب ایتدیکنی » در میان ایدیور .

اوستریا مطبوعاتی :

بالعموم اوستریا مطبوعاتی، باشده (نویه فرایه پره سه) غزته سی اولدینی حالده، ایتالیا حرکت اخیره سنك هر طرفه عمومی بر خوشنودسزلی موجب اولدینی بیان ایتکده درلر. بناء علیه مطبوعات مذکور طرفندن؛ ایتالیا نك چناق قلعه بومباردماننه قاتلشمسی ناهشکام تلقی ایدوب ایتالیا نلرک پک مجنونانه بر حرکتده بولندقلری اوروپا هیئت دولیه سی نظرنده کندی قیمت و حیثیتلری کیت کیده بویله چو جقلق و چیلغینقلرله غائب ایدله جکلری ده در میان ایشلدر .

ایتالیا مطبوعاتی :

مساردر . — روماده انتشار ایدن (مساردر) غزته سی دیورک : « حرکت اخیره، ایتالیا ن سربستی حرکتك دواتلردن هیچ بری طرفندن دوچار موانع اولیمیه جنی اثبات ایلپور .

(یونولر رومانو) . — غزته سی ده شوسطرلری یازیور : « بر محارب صفتیه حائز اولدیمیز حقوقك استعمانندن متولد بعض راحتسزقلره دول معظمه پک ای تحمل ایده بیلرلر .

(ایمپیسار غزته) . — قاهرده انتشار ایدن بوانکلیرجه غزته دخی، ایتالیا نك جدی بر صورتده تنقید ایدرک، اك صکره ایتالیا دولتی بالمجبوریه اوروپا هیئت دولیه سنندن سقوط ایدله جکی و بوندن صکره حکومت صغیره عدادینه داخل اولغه نامزد بولندینی یازمشدر .

المؤید غزته سی . — قاهرده منتشر وعالم اسلامیتده اك بویوک بر نفوذه مالک اولان یومی (المؤید) غزته سی بزقاج باش مقالهنی ایتالیا نك حرکات متجاوزانه اخیره سنه حصر ایدرک، من کل الوجوه ایتالیا نك حقسز و غدار بر حکومت و ملت اولق اوزره کوستره رک، عموم ملل و دول متمدنه ایله بالخاصه مسلمانلرک بوندن صکره ایتالیا و ایتالیا نلرله خصم و دشمن اوللری لازمکلدیکنی بیان ایتشدر .

انگلنره مطبوعاتی :

تایمس غزته سی . — انگلنره مطبوعاتك اهمیتلریله بالعموم انگلنره ماتك لسان حالی مقامنده اولان (تایمس) غزته سی ایتالیا نك حرکت اخیره سنه دائر نشر ایتدیکی بر مقاله مخصوصه ده ایتالیا نلری تجربه سزلك و درایتسزلكه اتهام ایدرک ایتالیا ده سیاسی آدملرک فقدانندن بحثله، هر برایشك سلاح قوتیه ایلرویه کتوربلیمیه جکی و انگلنره حکومتك بوندن بویله بی طرف قالمیه جنی و آدریاتیک دکرزیه آق دکرده بولنان سواحل عثمانیه قارشو وقوع بولان ایتالیا تجاوز و تعرضاتك طوغریدن طوغری به انگلنره منافعنه تعاقی اولدینی و مذکور ایتالیا - عثمانی محاربه سنك ضرر و زیانك محاربلردن زیاده بی طرفله شامل بولندینی بر لسان مؤثرله بیان ایتش و حکومت عثمانیه یی کندیسی مدافعه ایتدیکندن طولانی پک معذور کورمش اولدینی ده علاوه ایلهرک، کنج ترکلرک حال حاضرده کی فعالیتلریله اصلاحات داخلیه خصوصنده کوسترمکده اولدقلری اهتماملری مدح ایلشدر .

فرانس مطبوعاتی :

ماتیه . — (ماتیه) غزته سی، چناق قلعه بومباردمانی، سیاسی بر نمایش صورتنده تلقی ایدیور .

له اومانیتیه . — (له اومانیتیه) غزته سی ده تعرض واقمک روسیه چارینك اشتراکیله ارتکاب ایدلش بر ایتالیا ن شقاوتکارانه سنندن معدود بولندینی بیان ایتشدر .

موسیو ژورس . روسیه نك اوینادینی اوپونك نهدن عبارت بولندینی سؤال ایتدکن صکره، حکومت مذکور نك مداخله سی نتایج مشئومه تولید ایلیمیه جکی علاوه در میان ایدیور و دیورک : « فرانسه، روسیه ایله انگلنره نك منافع متضاده سی آره سنه دوشمک تهلكه سنه . عروضر .

روسیه مطبوعاتی :

روس غزته لرینك بیاناته کوره، روسیه ایله ایتالیا اره سننده برائتلاف موجود بولندینه دائر شایع اولان حوادث روسیه خارجیه نظارتیه تکذیب ایدلکده بولمشدر. روسیه خارجیه نظارتی، محافظه بی طرفی ایتك آرزوسنده بولنان روس حکومتك، ایتالیا ن حرکاتندن طولانی پروتستوده بولیمیه جنی، لکن بوغازلرک مسدودیتی امتداد ایتدیکی تقدیرده بو مسئله حقنده سرد اعتراض ایدله جکی بیان ایتکده در .

ره ج غزته سی . — روس مطبوعات مهمه سنندن (ره ج) غزته سی یازدینی بر مقاله ده دیورک : « دول معظمه نك تشبیه بومباردمانك وقوعی بر زمانه تصاف ایتسی،

بنفارسنامه مطبوعاتی :

صوفیه ده انتشار ایدن غزته لر چناق قلعه بومباردمانی حقنده آتیده کی مطالعه لده بولنیورلر :

« چناق قلعه بومباردمانک بوراده حصوله کتیردیکی شدتلی تأثرات ، بومباردمانک علی العاد برناییدن عبارت اولدینی وایتالیا دوناتمانسک ساحلین اوزاقلاشدینی آکلاشیلیمی اوزرینه بوسوتون زائل اولشدر . ایتالیا نلرک چناق قلعه دن هر حالده کچه جکالینه ذاهب اولان ماکدونیا محافل ، آنلرک اورادن کچه مدکارینی کورنجه آلداندقارنی آکلامشدر . چناق قلعه مدخلنده کی استحکاملرک بومباردمانی ، کرک احوال حربیه ، کرکسه بالفان احوالی اوزرنده هیچ برتبدل حصوله کتیریه جکی فکری حال حاضرده محافل سیاسیه ده غالب کلکده در . »

رابطه دینه نک اهمیتی

محاربه بی سوق واداره ایدن اسباب معنویه ، سرلوحه سی التنده طنین رفیقمز ۱۳۰۶ نومرولو نسخه سنده شو مطالعاتده بولونیور : طرابلس مجاهدلری ، ایتالیانک یالکز مملکتلرینه ، عثمانیه دکل . اسلامیه ده تعدی ایتدیکی فکرنده درلر . بونک ایچون حربیه منحصرأ عثمانلیلک ووطنک محافظه سی ایچون دکل ، بلکه دها زیاده حسیات مقدسه دینه نک سوقیه آتیلورلر . صحنه حربیه لسانلری ذکر وتهلل ایله مشغول : قلبلری دین عشق ، الله وپیغمبر عشق ، بوتون مقدسات عشق ایله مشغودر طرابلس غربیلره عثمانلیلقدن بحث ایدنجه اولر « اسلامیتی ، خلیفه و سلطانی » آکلر

طرابلس غربیلر حکومتیه بلکه آناتولی اهلپسندن زیاده مطیعدر دینه بیلر . . . فقط بوتون بوطاعتلرنده ، تسلیمیتنده طرابلس غربیل هرشیدن اول « اسلامیتی ، خلیفه و سلطانی » دوشونور واونامه بویون آکر . ایشته بو اسبابک سوقیه درکه طرابلس غرب اهلپسی ایتالیایی بوتون مقدسات وجدانیه سنه ، خلافت و دینه تعدی ایتش عد ایدیور وهرشیدن اول بونام وحسابه مجاهده لرنده دوام ایلورلر .

یالکز طرابلس غرب اهلپسی ؟ بوتون آفریقا ممالک اسلامیه سی ، بوتون عالم اسلامیت ده عینی حمله متعسس ، عینی تأثیرله مضطربدر . بوکا قناعت که تیرمک ایچون طرابلس غرب صحنه حربیه و مجاهدلره باقق کافی در . بوکون اوراده ، دشمنله فداکارانه چارپیشان مجاهدین آراسنده آیلرجه یولار قطع ایدرک وبرجوق مشقتلر چکیرک کلش برجوق اسلام وارددر

افغانستانده انتباه

فاس وایرانک اخیراً دوچار اولدینی عاقبت الیمه دن افغانستانک عبرت آله رق بر انتباه سیاسی اثری کوسترمکده اولدینی حقنده (فوسیشه چایتونف) غزته سی طرفندن بعض معلومات ویرلش اولدینی آرانس تلغرافنامه لری بیان ایلش ایدی . (فوسیشه چایتونف) غزته سنک پوسته ایله وارد اولان صوک نسخه سنده بوبابده تفصیلات آتیه کورلمشدر :

« افغانستان امیری اثر انتباه وحرکت کوستریور . مشار الیه کاشانده و عالم سیاستده نه کبی احوال جریان ایلدیکی حقنده طوغریدن طوغریه معلومات المی ایچون لازم کلن تدابیر توسل ایلشدر . شمدیه قدر افغان امیری ایرانه انکلیز گوزلکیله باقیور ایدی . امیر آرتق بوکوزلکی کافی کورمور . آسیاده وباخصوص افغانستان

جوارنده صوک زمانلرده انقلابات عظیمه وقوع بولدی . قوجه چین دولتی جمهوریه منقلب اولدی . تبت ایله موغانستان بین الملل سیاستک آنافورینه کیرمک اوزره بولنیور . ایران بوسیاستک آقندیسنه بستیون قاپیلیم اوزره بولندیفندن محو وغرق اولسنه برشی قالمشدر . بناء علیه افغانستانک احوال ووقوعات جهانیه لایقینه وقوف کسب ایدوب ایرانک آرقه سندن چاه انقراض ومحوه کیتیمک ایچون تدابیر لازمه اتخاذ ایلسنک وقتی کلشدر . (قالکوته) دن لوندزه غزته لرینه اشعار اولندیفنه نظراً افغانستان امیری وقوعات خارجیه به کسب اطلاع ایتک اوزره مستقلاً براستطلاعات دائره سی تشکیل ایلشدر . بوداثره ارکانی ممالک عثمانیه ایله ایران وهندستانده طولاشه جقلردر .

امیرک برادرلردن نصراء خان (آسمار) جوارنده ساکن (موخاند) قبائلنک اراضیسی افغانستانه الحاق ایچون قبائل مذکوره رؤسایله مذاکراتده بولنمقددر . ۱۹۰۷ سنه سنده انکله ایله روسیه آره سنده آسیای وسطی حقنده عقد اولسان وایرانک باعث فلا کتی اولان معاهده مذکوره ایران وافغانستانک بقاسنه برنهایت ویرمک مقصدیه عقد ایلشدر . معاهده مذکوره نک عقدنده ایرانک اصلا رأی وفکری التامش اولدقدن بشقه بومعاهده برقاچ هفته مقدم جبراً وقهرأ ایران حکومتیه تصدیق ایتدیرلشدر .

معاهده مذکوره ده افغانستان حقنده دخ بر ماده مهمه وارددر . شوقدروارکه بوماده نک تطبیق ایدسی انکله حکومتی طرفندن ماده مذکور نک افغانستان امیریه قبول وتصدیق ایتدیرلسنه وامیرک تصدیق انکله حکومتی طرفندن روسیه حکومتیه تبلیغ اولسنه وابسته در . بوندن مقدم ماده مذکوره موقع فعله قونیله میه جقدر . افغانستان امیرنک بوماده یی تصدیق ایلدیکی وبونک انکله طرفندن روسیه تبلیغ ایلدیکی حقنده هنوز قطعی معلومات آله مامشدر . مع هذا بو تصدیق واقع اولش اولسی پک محتملدر . چونکه ماده مذکوره نک ظاهریسی روسیه ایله انکله نک افغانستانه قارشی نه کبی وضعیتده بولنه جقلرینه منحصر کیدر . ذاتاً افغانستان امیرنک روسیه ایله انکله آره سنده اولان خصوصی برایشه قارشی مخالفت ومقاومته بولنسی قابل دکلدر . بناء علیه امیر بوماده دن اولجه اندیشه نک اولامشدر . فقط اخیراً ایرانک باشنه کلن فلاکت عظیمه افغانستان امیرنی فنا حالده تدهیش ایلشدر . روسیه - انکله معاهده سنک متنده ایران طوقونور بر ماده یوق کبی ایدی . حتی معاهده مذکوره ده ایران دولتک تمامیت ملکیه واستقلالیتی حقنده تأمینات بیله ویرلش ایدی . صوک وقتلرده بوتأمیناتک قوری واساسس برشی اولدیغنی ایران پک آجی تجربه ایلدی .

شمدی افغانستان امیری مملکتنک باشنه ایرانه کلن فلاکتک کله سی اسبابی استحضاره چایشور . امیرک بوتداییری کندیسنک غایت عاقل ودوراندیش اولدیغنی ارئه واثبات ایدیور . افغانستان امیری انکلیز حکومت هندیه سندن هر سنه آلدینی تخصیصات عظیمه به مقابل ممالک اجنبیه ده سفیر بولندرمافی تعهد ایلشدر . شمدیه قدر افغانستان حکومتی ممالک اجنبیه ایله مناسبات ومعاملاتی انکله حکومتی واسطه سیله اجرا ایدیور ایدی . بشقه دولتلر دخی انکله واسطه سیله افغانستان ایله مناسبات ومعاملاتده بولنیورلر . ایشته بوندن طولایی افغانستان حکومتنک شمدیه قدر خارجده بر پنجره به ممالک ایدی که اودخی انکلیز حکومت هندیه سی ایدی . یوقاروده درج ایلدیکنز تلغرافنامه افغانستان حکومتک مذکور حاله برنهایت ویردیکنی اثبات ایلشدر . طبیعی امیر انسان استخبارات ایچون ممالک اجنبیه به غیر رسمی مأمورلر کوندزه جکدر .

افغانستان امیرنک استخبارات مأمورلرینی ایلک ایران وترکیه به کوندرسی زیاده سیله معینداردر . . امیرک بو قراری دیگر ممالک اسلامیه نک افکارینه کسب اطلاع ایتک ایستدیکنه دلالت ایتکده در . افغانستان حکومتنک هندستان انکلیزی حدودنده کی عشایرک اراضیسی افغانستان ملکنه الحاق ایچون مذاکراتده بولنسی امیرک انکله به قارشی احتیاطی بولنق فکرنده بولندیفنه دلالت ایتکده در .